

勝天王般若波羅密經卷第二

羽二

陳優禪尼國王子月婆首那譯

勝天王般若波羅密經法界品第三

尔時勝天王即從座起偏袒右肩右膝着地合掌向佛頭面作礼而白佛言世尊云何告薩摩訶薩學般若波羅密通達甚深法界尔

時佛讚勝天王言善哉大王諦聽諦聽善思念之勝天王白佛言世尊唯然願聞佛告勝天王言大王菩薩摩訶薩有般若故近善知識勸修精進離諸障惑心得清淨恭敬尊重樂習空行遠離諸見修如實道能達法界大王菩薩摩訶薩有般若故近善知識歡喜恭敬猶如佛想以親近故不得懈怠滅一切惡諸不善法生長善根既滅煩惱遠離障法即得身口意業清淨由清淨故即生敬重以敬重心修習空行修空行故遠離諸見離諸見故修行正道修正道故能見法界勝天王白佛世尊何等爲法界佛告勝天王言大王即

是如實世尊云何如實大王即不變異世尊云何不異大王所謂如如世尊云何如如大王此可智知非言能說何以故過諸文字離語境界口境界故無諸戲論無此無彼離相無相遠離思量過覺觀境無想無相過二境界過諸凡夫離凡境界過諸魔事能離障惑非識所知住無處所寂靜聖智後無分別智慧境界無我我所求不可得無取無捨無染清淨離垢最勝第一性常不變若佛出世及不出世性相當住大王是爲法界菩薩摩訶薩行般若波羅密修此法界百種苦行令諸衆生皆悉通達大王是名般若波羅密如如實際無分別相不可思議界真空一切智一切種智不二界尔時勝天王白佛言世尊云何能證至此法界佛告勝天王言大王以出世般若波羅密證後無分別智至勝天王白佛言世尊證與至有何差別佛告勝天王言大王以般若波羅密如實見名爲證以智通

達名爲至勝天王白佛言世尊如佛所說聞思修慧通達般若波羅蜜非是出世後無分別智佛告勝天王言不尔大王何以故般若波羅蜜甚深微妙聞慧麁淺不能得見第一義故思不能量出世法故修不能行大王般若波羅蜜如是甚深凡夫二乘所不能見何

引勝天王二

以故譬如生盲不見衆色七日嬰兒不見日輪尚不能見況復修行大王譬如夏熱有人西行在於曠野復有一人從西往東問前人言我今熱渴何處有水清涼樹蔭彼人答言善男子從此東行則有二路一左一右當從右路有清泉水及樹蔭涼大王於意云何雖

聞此名思惟往趣能除熱渴得水味不不也世尊此人至彼入池洗浴飲水息樹方離熱渴得知水味佛言如是如是大王不可以三慧通達真實般若波羅蜜大王所言曠野即是生死人謂衆生熱名煩惱渴是貪愛東來人者即是菩薩其右路者薩婆若道菩薩摩

訶薩行般若波羅蜜善知生死及出世路清冷水者所謂般若波羅蜜樹蔭涼者即是大悲菩薩摩訶薩行二法故遠離凡夫及二乘道大王如是甚深般若波羅蜜無形無相種種巧說令諸衆生得入其中大王菩薩摩訶薩行般若波羅蜜如實知力空無畏空不共

法空戒聚空定聚慧聚解脫聚解脫知見聚空空空第一義空而空相不可得不取空相不起空見不執空相不依止空如是不取着故於空不墮大王菩薩摩訶薩行般若波羅蜜遠離諸相不見內外相離戲論相離分別相離求覓相離貪着相離境界相離攀緣相

引勝天王二

離能知所知相勝天王白佛言世尊菩薩摩訶薩般若波羅蜜如是觀無相諸佛世尊復云何觀佛告勝天王言大王諸佛境界不可思議何以故離境界故一切衆生思量佛境心則狂亂不知此彼何以故同虛空性不可思量求不可得離覺觀境菩薩摩訶薩行般

若波羅密尚不見有凡夫境界可得思量況佛境界亦不依止一切諸願雖行布施不着施報持戒忍辱精進定慧亦復如是一切功德乃至涅槃亦不依着何以故離我我所無二無別自性離故說是般若波羅密法門時三千大千世界六種震動須弥山王目真隣

陀山鐵圍山大鐵圍山寶山黑山大黑山皆悉震動無量百千億諸菩薩摩訶薩脫上分衣爲佛敷坐高如須弥無量百千釋梵護世諸天王等合掌恭敬散諸妙華曼陀羅華摩訶曼陀羅華曼殊沙華摩訶曼殊沙華白蓮華赤蓮華紅蓮華青蓮華耆闍崛山縱廣四十由旬積華遍滿至于佛膝無量天子作諸天樂不敢自鳴空中歎言再覩佛興世再見轉法輪善哉聞浮提一切衆生勸修功德多種善根得聞如是甚深般若波羅密況復來世有能信者如是衆生悉行諸佛如來境界復有無量百千諸大龍王即以神力普興大

雲降注香雨灑香闍崛山及三千大千世界諸聽法者唯覺香潤不見霑濡無量龍女悉於佛前合掌讚嘆無量乾闥婆以妙音樂而供養佛其夜又衆散諸妙華十方無量無邊國土諸佛世尊皆放眉間白毫光明照此娑婆世界耆闍崛山其三千大千世界幽暗之處日月不照悉蒙光明照世已還至佛所右遶三匝從佛頂入無量百千婆羅門刹利居士長者以塗香末香幡華幢蓋而供養佛余時衆中七十二億菩薩摩訶薩得無生法忍無量百千万億衆生得遠塵垢法眼淨無量百千万億衆生發阿耨多羅三藐三菩提拜勝天王二

心余時勝天王白佛言世尊般若波羅密離文字無語言云何菩薩摩訶薩行般若波羅密爲衆生說法佛告勝天王言大王菩薩摩訶薩行般若波羅密如是說法爲修習佛法故而說佛法畢竟不可得爲成熟諸波羅密而波羅密畢竟不可得爲清淨菩提而菩提

畢竟不可得爲涅槃離欲滅而涅槃離欲滅
畢竟不可得爲須陀洹斯陀含阿那含阿羅
漢果而須陀洹乃至阿羅漢畢竟不可得爲
辟支佛而辟支佛畢竟不可得爲斷除我取
而我及取畢竟不可得菩薩摩訶薩如是行
甚深般若波羅蜜心不分別一切諸相我能

分別及所分別悉不可得隨順般若波羅蜜
不違生死雖在生死不逆般若波羅蜜隨順
法相勝天王白佛言世尊菩薩摩訶薩云何
隨順法相不違世諦佛告勝天王言大王菩
薩摩訶薩隨順甚深般若波羅蜜不遠離色
受想行識不遠離欲界色界無色界不遠離
法而不着般若波羅蜜不遠離道何以故具
巧方便故勝天王白佛言世尊何者是菩薩
摩訶薩善巧方便佛告勝天王言大王所謂
無量菩薩摩訶薩具慈悲喜捨不捨衆生常
能利益大王菩薩摩訶薩行般若波羅蜜具
無邊慈無分別慈法慈不息慈不惱慈利益

勝天王二

五

慈平等慈遍益慈出世慈成就如是等大慈
世尊云何大悲佛言大王菩薩摩訶薩行般
若波羅蜜衆生苦惱無歸依處即爲濟拔發
菩提心懃求正法既自得已爲衆生說其慳
貪者教行布施無戒破戒教令持戒惡性之
人教行忍辱懶惰懈怠教令精進散亂之人
教行禪定愚癡之人教行般若爲度衆生雖
遭苦惱終不捨離菩提之心是名大悲世尊
云何大喜佛言大王菩薩摩訶薩行般若波
羅蜜作是思惟三界熾燃我已出離故生歡
喜久相繫着生死之繩我已割斷故生歡喜
種種覺觀及諸取相於生死海我已得出故
生歡喜無始豎立我慢之幢我今已摧故生
歡喜以金剛智壞煩惱山永不復立故生歡
喜我自安隱又令他安愚癡黑闇貪愛繫縛
久寐世間今始得覺故生歡喜我今已離一
切惡趣又拔衆生令出惡道衆生久於生死
迷亂不知出道我今濟拔開示正路悉令得

至薩婆若城故生歡喜是名大喜大王菩薩摩訶薩行般若波羅蜜眼所見色不着不離而起捨心耳聲鼻香舌味身觸意法亦尔大王菩薩摩訶薩行般若波羅蜜成就如是四無量心尔時勝天王白佛言世尊云何菩薩摩訶薩行般若波羅蜜爲度衆生示現諸相

佛告勝天王言大王般若波羅蜜相不可得菩薩摩訶薩相亦不可得但方便力教化衆生示現處胎乃至涅槃何以故諸天計常謂無墮落菩薩摩訶薩行般若波羅蜜以方便力破此執故示現處胎因令彼天起無常念世間最勝最高無等不着五欲欲不能汙尚有墮落況復餘天是故咸應勿復放逸勤加精進一心修道譬如見日尚有隱沒則知螢火不得久住大王復有放逸諸天貪着樂故不修正法雖與菩薩同在天宮不徃礼拜不詣受法而作是意今且遊戲時諸菩薩各相謂言菩薩與我常共在此修行何晚菩薩摩

訶薩行般若波羅蜜勤修精進如救頭然破彼放逸示現墮落如是示現有二因緣一令諸天離放逸故二令衆生咸得見故大王世間復有下劣衆生不堪見佛成無上道及轉法輪菩薩摩訶薩爲此衆生是故示現嬰兒童子後宮遊戲菩薩若作餘像說法後宮女人則不信樂是故示現嬰兒童子大王有高行者常能離俗菩薩摩訶薩爲化彼故示現出家大王復有天子作如是念若以端坐受人天樂不得聖道菩薩摩訶薩爲化此故示現苦行亦爲降伏諸外道故示現苦行大王復有天人長夜發願菩薩摩訶薩行誦道場我等諸天常獻供養菩薩爲化此衆生故示現道場一切人衆皆悉護得菩提因緣大王復有天人作如是念惡魔外道障礙正法願得菩薩坐於道場降伏惡魔及諸外道正信之人悉令見法菩薩摩訶薩既成道已三千大千世界於虛空中種種音聲而讚歎曰佛

日出世螢火隱沒此等天人悉發是言願我來世皆得阿耨多羅三藐三菩提如今菩薩摩訶薩爲是衆生現坐道場大王又有天人作如是言願見大師成就一切智無師智自然智不求出離根性純熟是深法器爲是衆生示現三轉十二種法輪大王復有天人樂

升勝天王二

七

聞涅槃菩薩爲化彼衆生故示現涅槃大王菩薩摩訶薩修行般若波羅密能現如是種種之相大王菩薩摩訶薩行般若波羅密不生難處何以故無福德人不聞般若波羅密名字故又復常離一切惡業佛所說戒悉不毀犯心無嫉妬已於過去無數佛所多種善根具足功德智慧方便成就大願心樂寂靜勤行精進大王菩薩摩訶薩無有惡業牽隨地獄性行十善故菩薩摩訶薩無有破戒牽墮畜生性持戒故菩薩摩訶薩無有嫉妬牽墮餓鬼不生邪見家常值善知識何以故已於過去無數佛所深種善根是故生處皆悉

正見菩薩受生諸根不缺成佛法器何以故於過去世供養諸佛聽聞正法禮敬大衆是故根具相貌端圓成佛法器大王菩薩不生邊地鈍根愚癡不知善惡語言義趣非佛法器不識沙門婆羅門何以故菩薩受生必在中國利根智慧言辭辯了善知語義是佛法器善知沙門及婆羅門何以故菩薩摩訶薩宿世智慧力故大王菩薩不生長壽天不見諸佛不利衆生故菩薩所以生在欲界示現不出世利益衆生何以故善方便故大王菩薩不出空世界中此處無佛不聞正法不供養僧何以故菩薩生處必具三寶宿願強故菩薩若聞惡世界名即生厭離修行寂靜心不懈怠以一切善滅諸惡法大王菩薩摩訶薩修行般若波羅密以是因緣不生難處大王菩薩摩訶薩行般若波羅密乃至夢中尚不忘失菩提之心況復覺時何以故一切善法生於此心即是阿耨多羅三藐三菩提心若

無此心則無有佛無佛無法無僧由此心故得有三寶及以天人菩薩摩訶薩常離謗曲質直柔和其心清淨不疑佛法欲聽受者不祕深義離法嫉妬遠三途業於初中後無有異相行不違言護持大乘見同學者則生恭敬勸他修習讚歎大乘於說法師常生佛想

^{勝天王三}

八

近善知識遠離惡友大王菩薩摩訶薩修般若波羅密如是成就菩提之心因由此心得宿命智何以故已曾供養無量諸佛護持正法修清淨戒遠離惡業障礙永無心常歡喜心勸修學心不散亂心智不失何以故大王若菩薩摩訶薩已曾供養無量諸佛則尊重

識由善知識於諸佛所不失三事謂見聞念常聽正法供養僧寶無空過時諸佛菩薩所持淨戒者耳根常聞般若波羅密名字恒勤修習助道之法曾不遠離三解脫門修四無量常聞薩婆若名大王菩薩摩訶薩行般若波羅密以是因緣近善知識大王菩薩摩訶薩行般若波羅密乃至夢中不近惡友何況覺時何以故菩薩摩訶薩不與破戒人共住邪見人無威儀人邪命人無義語人嬾惰人樂住生死人背菩提人樂俗務人不與共住大王菩薩摩訶薩行如是法離惡知識大王菩薩摩訶薩行般若波羅密能得如來清淨之身所謂平等身清淨身無盡身善修得身離障礙故心常歡喜心歡喜故則勤精進心性正直念智具足由念智故知過去生一百千乃至無數大王菩薩摩訶薩行般若波羅密如是了知過去生處既了宿命近善知

^{勝天王二}

九

菩薩摩訶薩行般若波羅密能得如來清淨之身所謂平等身清淨身無盡身善修得身法身不可覺知身不思議身寂靜身虛空等身智身勝天王白佛言世尊菩薩摩訶薩在何位中能得如來十種之身佛告勝天王言菩薩初地得平等身何以故離諸邪曲通達

法性見平等故於第二地得清淨身何以故清淨戒故住第三地得無盡身何以故離瞋恚故第四地中得善修身何以故常勤精進修佛法故住第五地則得法身何以故見諸諦理故住第六地得離覺觀身何以故觀因緣理非覺觀所知故住第七地得不思議身

何以故具足方便故於第八地得寂靜身何以故離一切戲論無煩惱故住第九地得等虛空身何以故身相不可量遍一切處故住第十地則得智身何以故成就一切種智故勝天王白佛言如來之身與菩薩身無差別乎佛告勝天王言身無差別但功德異勝天

王言其義云何大王佛菩薩身無有差別何以故一切諸法同一性相功德差別世尊云何功德而有差別佛言大王今當爲王譬喻顯了譬如寶珠若有莊飾或不莊飾其珠何異佛與菩薩功德有差別身無別何以故如來功德一切圓滿盡于十方遍衆生界清淨

離垢障礙永無菩薩之身功德未滿有餘障故譬如初月十五日月虧盈有異月性無差此等諸身皆悉堅固猶如金剛不可破壞何以故三毒不破世法不染惡趣人間苦不能逼悉已遠離生老病死能伏外道過魔境界不向聲聞辟支佛乘以是因緣不可破壞大

王菩薩摩訶薩行般若波羅密善能將導一切世間天人阿脩羅譬如有人善爲將導若國王王等長者居士意咸用之菩薩亦余聲聞緣覺菩薩諸佛咸同用爲將導又如善將導諸世間國王婆羅門長者居士咸共尊重菩薩亦余天龍夜叉有學無學之所供養又

引勝天王二

十

如曠野險難怖畏行人疲倦遇善將導能令安隱菩薩亦余以方便力於彼生死煩惱賊難將導衆生安隱得出又如貧人依富長者方出險難梵志尼乾及餘外道於生死中依行般若波羅密菩薩余乃出離又如大富長者無量資財爲一切人之所受用行般若波

羅密菩薩亦復如是於生死中六道衆生之所受用又如大富長者欲過險難必要多伴飲食資糧皆悉具足尔乃得過菩薩亦尔欲出世間以功德智慧攝一切衆生度生死難

至薩婆若又如人遠行多費寶物爲得利故菩薩亦尔從生死海至薩婆若廣修功德智

慧爲得一切智故又如世人求財無厭菩薩樂法亦無厭心又如將導四事勝他所謂財富最勝位高語用菩薩亦尔富功德位最勝法自在無異言又如人善導至於大城菩薩亦尔善能將導至薩婆若城大王菩薩摩訶薩行般若波羅密善知行路不可行路邪正

安善有水無水相貌曲直出離之道皆受通達大王菩薩摩訶薩知不倒路凡所示導不違衆根爲大乘人示無上道不說聲聞辟支佛路爲小乘人示聲聞道不說大乘辟支佛根示緣覺路不說薩婆若道爲着我見說無我道着法衆生爲說空道着二邊者爲說中

道爲散亂者說奢摩他毘婆舍那不說散亂戲論衆生示如如道不說言語著生死示者涅槃道不說世間爲迷途者而說正道大王是名告薩知邪正路

勝天王般若波羅密經念處品第四

尔時勝天王即從座起偏袒右肩右膝着地合掌向佛頭面作禮而白佛言世尊菩薩摩訶薩行般若波羅密能如是知路非路者心緣何住佛告勝天王言大王菩薩摩訶薩行般若波羅密心正不亂何以故善念身念受念心念法菩薩摩訶薩凡所遊行城邑聚落聞利益名如佛戒說煩惱繫縛善自憶念大王云何菩薩摩訶薩行般若波羅密念身與身相應惡不善汝以如實智悉遠離之觀身過失始自足底乃至頭頂此身無我無常敗壞但以筋脉共相連持腥臊臭穢色惡可惡所不喜見如是觀已身中貪欲悉不復生不起身我以是因緣相應善法皆悉隨順云何

菩薩摩訶薩行般若波羅蜜念受作是思惟諸受皆苦顛倒衆生妄起樂相凡夫愚癡以苦爲樂聖人但說一切皆苦勤修精進爲斷滅故亦教餘人修學此法作是觀已恒自念受不隨受行修行斷受亦令他學云何菩薩摩訶薩行般若波羅蜜念心作是思惟此心

無常而謂常住於苦謂樂無我謂我不淨謂淨數動不住速疾轉易結使根本諸惡趣門煩惱因緣壞滅善道是不可信貪瞋癡主一切法中心爲上首若善知心悉解衆法種種世間皆由心造心不自見若善若惡悉由心起心性迴轉如旋火輪易轉如馬能燒如火

暴起如水作如是觀於念不動不隨心行令心隨已若能伏心則伏衆法云何菩薩摩訶薩行般若波羅蜜念法惡不善法能如實知所謂貪欲瞋恚愚癡及餘煩惱而修對治貪欲對治瞋恚對治愚癡對治如是知已即迴起念不行彼法亦令他離云何菩薩摩訶薩

行般若波羅蜜於境起念若見色聲香味觸作是思惟云何於彼不真實法而生貪愛此乃凡夫愚癡所著即是不善如世尊說愛即生著着即迷惑故不知善法惡法以是因緣生於惡趣菩薩摩訶薩自不漏失不着境界令他亦尔大王菩薩摩訶薩行般若波羅蜜阿蘭若念作是思惟阿蘭若者是無諱人之所住處寂靜住處於此處中天龍夜叉他心智人悉能知我心心數法不應於此起邪思惟即得捨離於法正憶勤修行之大王菩薩摩訶薩行般若波羅蜜作是思惟城邑聚落非出家人所可行處則不應往所謂酣酒妓女王城博奕歌舞之處悉遠離之大王菩薩摩訶薩行般若波羅蜜聞利養名起正憶念作是思惟爲生施福故受此財不由貪愛受不出內生長子息不言我財一切貧窮普皆賙給如是行者人所讚歎終不計我及以我所復作是念人皆稱我惠施名聞世間無

常須更磨滅云何智人無常無實不恒無主隨彼而行起我我所大王菩薩摩訶薩行般若波羅密於佛世尊所說念戒作是思惟過去諸佛皆學此戒成無上道得至涅槃當來諸佛現在亦如是知已精進勤修大王菩薩摩訶薩行般若波羅密爲化衆生及以自

羽天王二

十三

身少欲知足着糞掃衣心常清潔信力堅固寧失自命於戒不犯心離高慢遊行城邑不耻弊衣遠離懈怠常修精進所作未辦終不中息於糞掃衣不見過患朽故弊壞終無輕鄙但取其德夫離欲者乃服此衣如來所讚息憚貪着亦不自讚我能服此於他不服終不毀言如此行人諸天禮敬佛所讚歎菩薩護持婆羅門刹利皆悉禮敬大王菩薩摩訶薩行般若波羅密如是修清淨行尔時勝天王白佛言世尊高行菩薩能行般若波羅密何用着糞掃衣佛告勝天王言諸大菩薩將護世人何以故世間衆生樂見不同大王於

意云何菩薩高行何如世尊勝天王言百千萬億恒河沙分算數譬喻不及其一何以故如來世尊是大法王一切種智無有一法而不照了大王於意云何諸佛如來於四天下天龍夜叉人非人中示現苦行及以讚歎頭陀功德此何所爲王言世尊爲欲教化可度衆生及初發意諸菩薩等未斷煩惱爲說對治佛言如是如是大王高行菩薩着糞掃衣亦復如是是故菩薩摩訶薩行般若波羅密多有方便利益衆生大王菩薩摩訶薩行般若波羅密示現世間但畜三衣何以故心知足故更不多求即是少欲不求索故無所積聚既不積聚則無喪失無喪失故則不生苦苦不生故即離諸惱離諸惱故則無所着無所着故是爲漏盡大王菩薩摩訶薩行般若波羅密利益衆生故入城邑聚落持鉢乞食何以故菩薩摩訶薩大悲薰心如實觀察貧苦衆生令得富樂受彼供養若入邑聚威儀

齊整心正不亂善攝諸根前視六尺雙犁輒
地如法乞食次第而往不越貧家以量受食
終不長取於所得中更開一分擬施供養何
以故信施難銷爲生福故大王菩薩摩訶薩
行般若波羅蜜但一坐食而不移動何以故
一坐道場魔來燒亂亦不移動出在禪定般

勝天王二

十四

若闍那空一切法如實聖道實際如如一切
種智於此諸法悉不移動何以故薩婆若法
是一坐得是故行一坐食大王菩薩摩訶薩
行般若波羅蜜以方便力如是示現乞食大
王菩薩摩訶薩行般若波羅蜜學阿蘭若行
所謂常修梵行於諸根中不起過失深樂多

聞力堪修行離我怖畏不計着身常行寂靜
菩薩摩訶薩正法中出家持三輪淨戒善知
法相如來所說爲少壯老三種人戒悉能了
達不隨外緣自心思量呵毀世法讚歎出家
調伏諸根不緣惡境於阿蘭若居無難處聚
落乞食不近不遠有清泉水與洗便易林木

華果無惡禽獸嚴穴寂靜空閑罕人而爲居
止所曾聞法日夜三時勤加讀誦聲不過高
亦不太下心不緣外一念誦持常在眉臆若
婆羅門刹利來至阿蘭若處當喫令坐彼或
不肯慇懃加勸觀此衆生隨其根性即爲說
法令得歡喜信受修行如是具足善巧方便

即離我心以無我故於阿蘭若不生怖畏離
怖畏故樂行寂靜菩薩摩訶薩如是以方便
力示阿蘭若行大王菩薩摩訶薩行般若波
羅蜜善能觀行作是思惟廿間之中一切飲
食清淨香潔身火所觸即成不淨爛壞臭處
一切凡夫愚癡無智愛着此身及以飲食若

勝天王二

十五

依聖智如實觀察即生穢惡不可樂着大王
菩薩摩訶薩行般若波羅蜜作是思惟多行
瞋恚即起惡業我今當離直心趣道真實思
惟非徒口說大王菩薩摩訶薩行般若波羅
蜜作是思惟若法有生即是因緣法之因緣
又從緣起云何智人於此虛妄因緣生法而

作罪失菩薩身中有障善法即自斷除若不能斷他障善法心即生捨不起無明云何名障善法不恭敬佛法僧淨戒不敬同學老子幼小自高降彼趣向五欲背捨涅槃而起我見衆生見命見人見執空起斷見執有起常見遠離賢聖親近凡夫捨持戒人依破禁者親附惡友遠善知識聞甚深法即生毀謗威儀不整口無辯說煩惱覆心具足詭曲貪着利養生五種慢一性貴二種族三見勝四國王五徒衆見惡則助遇善而捨讚歎女人童稚外道不樂阿蘭若行不解節食不親近師雖復讀誦不知時節若見善法亦復不生少

相如是思惟遣內外相不見身不見心不見法次第相續修奢摩他毘婆舍那毘婆舍那如實見法奢摩他者一心不亂菩薩如是修行已即得淨戒戒清淨故行亦如是是名菩薩摩訶薩行般若波羅蜜觀行清淨大王菩薩摩訶薩行般若波羅蜜護持如來正法

用勝天王二
之藏聽受正法爲守護故不爲利養爲三寶種不斷故不爲恭敬爲擁護大乘行故不爲名聞爲無歸依衆生令得濟拔與安樂故無慧眼者令得慧眼修小乘人示聲聞道欲行大乘示現大道如是聽法爲無上智終不爲得下劣之乘大王菩薩摩訶薩行般若波羅

蜜善知毘尼所謂毘尼及毘尼行毘尼甚深
毘尼微細淨與不淨有失無失波羅提木叉
聲聞毘尼菩薩毘尼大王菩薩摩訶薩行般
若波羅蜜如是等毘尼皆悉善知大王菩薩
摩訶薩行般若波羅蜜善知一切威儀戒行
善學聲聞戒辟支佛戒菩薩戒既修戒行若

見威儀不稱衆者即應遠離非處不行若有
沙門戒行威儀則應親近若婆羅門異學餘
行勸修毘尼如是戒行修之真寔心無巧僞
嫉妬即滅自行布施亦勸他行讚歎布施見
他布施心生隨喜不作是念唯當施我勿與
他人但應思惟一切衆生多有所乏飢寒困

苦願其得財現世安樂以聞法故後世安樂
今我應當精進修道與諸衆生同得出世是
名菩薩無嫉妬心於諸衆生皆得平等若行
布施普爲衆生戒忍精進禪定般若乃至一
切種智無二心修何以故所修之法與衆生
共念爲境界令速成道於生死火自既出離

亦使他出譬言如長者而有六子並皆幼稚愛
念無偏長者在外其宅火起大主於意云何
長者作念於此六子先後救不不也世尊何
以故其父於子心平等故大王菩薩摩訶薩
行般若波羅蜜亦復如是凡夫貪着處在六
道生死火宅不知出離菩薩摩訶薩行般若

波羅蜜以平等心種種方便誘他令出皆悉
安置寂靜界中大王菩薩摩訶薩行般若波
羅蜜於法亦等所謂以法供養如來種種供
具供養如來如實修行供養如來利益安樂
一切衆生守護一切衆生善法隨順衆生善
能教化行菩薩道行不違言心無疲倦求阿
彌多羅三藐三菩提若能如是乃得名爲供
養諸佛不以資生而爲供養何以故大王法
是佛身若供養法即供養佛大王諸佛世尊
皆從如實修行而來悉爲利益安樂衆生護
其善法隨順衆生若不爾者違本誓願懈怠
懶惰不能成就菩提之心何以故菩薩摩訶

薩阿稱多羅三藐三菩提與衆生共若無衆生菩薩云何能得菩提大王菩薩摩訶薩行般若波羅密以法供養如來名真供養如是供養拔除我慢遠離俗務剃落鬚髮於其父母兄弟親戚不復相關猶如已死形狀衣服相貌異常執持鉢器遊入城郭至其親里若旃陀羅家不意乞食作是思念我命屬他由彼食活以是因緣能除我慢復作念言我今應取師僧尊長及同學意令彼歡喜昔未聞法爲得聞故若見他人瞋恚鬪諍即應忍辱下意避之大王菩薩摩訶薩如是行般若波羅密拔除我慢大王菩薩摩訶薩行般若波羅密生堅正信何以故多諸功德宿世所種善根力強具足善因正見成就不信外道內心清淨不依餘師心行調直遠離諂曲諸根聰利具足般若離諸蓋障其心清淨遠惡知識親近善友尋求善言不生懈怠所聞說法知佛功德勝天王白佛言世尊唯願大慈哀

勝天王二

愍爲說如來功德大威神力佛告勝天王言大王諦聽諦聽善思念之我當爲王宣說如來神德少分善哉世尊唯然願聞佛言大王如來具足無邊大慈遍照衆生衆生所攝乃至十方盡虛空界亦皆遍照不可測量如來大悲聲聞緣覺菩薩所無何以故不共法故十方世界無一衆生大悲不照復次如來說法無盡普爲十方一切衆生一劫百劫千劫若無量劫種種因緣說法無盡若衆生界種種言辭一切句義詰問如來一彈指頃一一衆生各爲分別無能壞者復次如來即是無礙禪定境界假使一切世界衆生皆住十地入諸三昧百千億劫觀如來定不能測量復次如來身無邊量何以故隨所樂見能於一念示現種種如來又有清淨天眼一切世界無量衆生一一衆生一一世界如是一切世界中事如來悉見如觀掌中阿摩勒菓諸天人眼所不能見如來復有清淨天耳一切衆

生隨其種類音聲不同如來悉聞解了其義
如來復有淨他心智一切世界有諸衆生作
業思想若所得報如來世尊行立坐臥於一
念頃皆悉了知何以故如來常定無散亂故
大王諸佛如來無有失念心不散亂根無異
緣何以故離煩惱習最爲清淨寂靜無垢有

羽勝天王二

九

煩惱者其心散亂則異攀緣如來世尊無漏
離垢得一切法自在平等常在三昧三摩跋
提故大王如來以一威儀三昧遊行乃至涅
槃無有天人能得知者況復如來於無量劫
修習無量無邊萬億三昧何以故如來不可
量不可思不可思故爾時勝天王白佛言世
尊我聞如來三阿僧祇劫修行成佛云何而
說無量劫修佛言不也大王何以故菩薩摩
訶薩修阿耨多羅三藐三菩提無量功力之
所能辦非尔許劫時如得入法平等理稱爲
成佛勝天王白佛言世尊善哉善哉一切衆
生常行諸善遠離障業喜樂佛果修菩薩行

世尊若有衆生得聞如來大神通力心生歡
喜信受讚歎當知是人不久得成此神通器
況復有人受持讀誦書寫宣說如是人等不
可思量佛言如是大王此等衆生如來擁護
已種善根過去供養無數諸佛乃能得聞如
來世尊大神通力是善男女心不疑惑於七
日中澡浴清淨着新潔衣香華供養一心正
憶爾時如來即爲現身便得見佛其供養具
或有關少但一心念於命將盡見佛在前勝
天王白佛言世尊頗有衆生聞說如來神通
功德不起信心而謗毀不佛言有是衆生若
聞如來神通法門即起瞋恚不善之心於說
法師惡知識想此人捨壽生泥犁中若聞如
來大神通力能生信受於說法師善知識想
即得人天乃至成佛爾時世尊出廣長舌相
自覆面門次至頭頂次覆遍身次覆師子座
次覆菩薩衆次覆聲聞衆然後乃覆釋迦護
世一切大衆還收舌相告大衆言如來世尊

有是舌相豈當妄語汝等大衆皆應信受長夜安樂說是法時衆中八萬四千菩薩得無

生法忍無量百千衆生得遠塵離垢法眼淨無量無邊衆生發阿耨多羅三藐三菩提心

延聖院比丘 清端書

勝天王般若波羅蜜經卷第二 羽二

嬰兒

上益反下汝者反此

清冷

下音霑

奢摩他

此云止息靜坐那種觀察腥臊星下音

謂之

阿蘭若

下汝者反此

博奕

此云止息靜坐那種觀察腥臊星下音謂之

謂之

賜給

上音周

輕鄙

下碑美反

犁輒

下音厄壓

牛與洗

上音貴

童稚

下直彎

勒

上音移馬反

量

下音付

三摩跋提

此謂正定中

磧沙延聖院比丘

行廉

情言施財刊雕

大歲勝天王般若波羅蜜經板第二卷所集

功德普益四恩遍資三有法界有情同開

佛華光底架乘取爾魔障無侵來報之中二嚴俱備者

咸淳七年三月 日暮緣比丘

惟吉清訓謹題

勝天王般若波羅蜜經卷第三 羽三

陳優禪尼國王子月婆首那譯

勝天王般若波羅蜜經法性品第五

余時勝天王即從座起偏袒右肩右膝着地合掌向佛頭面作禮而白佛言希有世尊如

來應供正遍知使說微妙大神通力諸佛如

來因何得此唯願世尊分別解說佛告勝天

王言大王諸佛如來所行甚深不可思議得

果亦余勝天王白佛言世尊諸佛如來行何

等法名爲甚深不可思議佛告勝天王言大

王諸佛如來法性因果不可思議功德及法

利益衆生亦復如是勝天王白佛言世尊云

何法性不可思議佛言大王在諸衆生陰界入中無始相續所不能染法性體淨一切心識不能緣起諸餘覺觀不能分別邪念思惟

亦不能緣法離邪念無明不起是故不從十二緣生名爲無相則非作法無生無滅無邊

無盡自相常住大王菩薩摩訶薩行般若波